

आकाशवाणी

खबरां जगमोहन शर्मा कोला

1. प्रधानमंत्री नरेंद्र मोदी होंरे दस्सेआ ऐ जे केंद्री मंत्रिमंडल आसेआ मंजूर कीती गेदिएं त्रंऊं मल्टी ट्रैकिंग परियोजनाएं कन्नै रेल ढांचा मजबूत होग, लागत खर्च घट्ट होडन ते कम्म-रोजगार दे मौके पैदा होडन।
2. केंद्र सरकार नै सड़क हादसे च घायल लोकें गी अस्पताल च भर्ती ते इलाज दी गरंटी देने लेई पी.एम राहत स्कीम शुरू कीती ऐ।
3. रेलवे नै लम्मी दूरी दे जनरल डब्बे च बी पूरी सफाई यकीनी बनाने लेई इक नर्मी पैहल दी घोशणा कीती ऐ।
4. बंगलादेश च नमे चनोए दे सांसदे ते मंत्रिमंडल दे सदस्ये गी मंगलवारें संगंध चुकाई जाहग।
5. आई.सी.सी टी-20 विश्व कप च अज्ज कोलम्बो च भारत ते पाकिस्तान दियां टीमां आमने-सामने होडन।

<><><><><><>

PM-Cabinet

प्रधानमंत्री नरेंद्र मोदी होरें आखेआ ऐ कि दिल्ली, हरियाणा, महाराष्ट्र ते कर्नाटक दे बक्ख-बक्ख जिलें च फैली दिएं त्रै मल्टी ट्रैकिंग परियोजनाएं गी मंत्रिमंडल दी मंजूरी कन्नै रेल ढांचे गी मजबूती थहोग, लॉजिस्टिक लागत घट्ट होग ते नौजोआनें लेई कम्म-रोजगार दे मते-मते मौके पैदा होडन। मोदी होरें आखेआ कि हैदराबाद पणजी आर्थिक गलियारे पर गुडेवेलूर थमां महबूबनगर तगर राष्ट्री जरनैली शिडक 167 गी चैइज करने दा फैसला आर्थिक विकास गी बढ़ावा देगं उनें आखेआ कि मंत्रिमंडल नै गोहपुर ते नुमालीगढ़ बश्कार कन्नोकन्नी 4 गड्डियें दे लंगघने जोग एक्सेस-कंट्रोल्ड ग्रीनफील्ड गलियारे गी बी मंजूरी दिती ऐ जेहदे च ब्रहमपुतर नदी दे हेठा लंगघने आहली भारत दी पैहली अंडरगटर रोड कम रेल सुरंग शामिल ऐ। इस्सै चाल्ली मंत्रिमंडल नै नोएडा सेक्टर 142 थमां बाटैनिकल गार्डन तगर एक्सटेंशन कारीडोर गी बी मंजूरी दिती ऐ।

<><><><><><>

PM Assam Tour

प्रधानमंत्री नरेन्द्र मोदी होरें कल अपने असाम दौरें दरान 3 ज्हार करोड़ रपे दी लागत कन्नै ब्रहमपुतर नदी पर बनाए गेदे भास्कर वर्मा सेतु दा उदघाटन कीता। कामरुप जिले दे अमीनगांव च स्थित प्ण्ड गोवाहाटी दे आरजी परिसर ते उत्तर पूर्वी श्रेत्र दे राष्ट्रीय डाटा केन्द्र दा वर्चुअल ढंगै नै उदघाटन कीता ते भारत दे 4 शैहरें लेई ई-बस सेवा योजना तैहत 225 इलैक्ट्रिक बसें गी बी झंडी

दस्सियै रवाना कीता। कल गै प्रधानमंत्री होरें दिब्रगढ़ जिले च राष्ट्रीय जरनैली सिड़क पर मोरन बाईपास पर त्यार कीती गेदी इमरजेंसी लैंडिंग सुविधा दा बी उदघाटन कीता ते लड़ाकू ब्हाई ज्हाजें- ट्रांसपोर्ट ज्हाजें ते हैलीकाप्टरें दा प्रदर्शन दिक्खेया। अपने इक दिनै दे दौरै दौरान बी.जे.पी. कार्यकर्ताएं गी सम्बोधित करदे होई प्रधानमंत्री नरेन्द्र मोदी होरें आखेया कांग्रेस नै पूर्वोत्तर राज्यें गी सदा नजर अंदाज कीता पर स्हाड़ी सरकार एहदे पूरे पराते विकास लेई जी जान कन्नै कम्म करा रदी ऐ। उ'नें गलाया जे स्हाड़े लेई पूर्वोत्तर राज्य अष्ट लक्ष्मी ऐ ते इस बरे दा बजट अष्टलक्ष्मी लेई BJP-NDA दे नजरिए गी होर मजबूती देने आहला ऐ।



PM-Rahat Scheme

प्रधानमंत्री नरेन्द्र मोदी होरें सड़क हादसे च घायल लोकें गी अस्पताल च भर्ती ते उनेंगी इलाज दी गरंटी देने लेई पी.एम राहत ना दी स्कीम गी मंजूरी दिती ऐ। इस स्कीम च कुसै बी चाल्ती दे सड़क हादसे दी स्थिति च 7एं दिनें तगर दे इलाज लेई डेढ लक्ख रपे तगर नकदी रहत इलाज दा खर्चा सरकार चुक्कोग। सड़क ट्रांसपोर्ट ते जरनैली सड़कें सरबन्धी मंत्रालय मुजब इस स्कीम कन्नै एह यकीनी बनोग जे हादसे दे बाद इलाज नेई थोने कारण कुसै दी जान नेई जा। मंत्रालय मुजब सरकार अस्पतालें गी इस खर्चे दा भुगतान मोहत वाहन दुर्घटना कोष चा करोग।

<><><><><><>

Gujrat Amit Shah

केंद्री गृह मंत्री अमित शाह होर अज्ज गुजरात च गांधीनगर दे महात्मा मंदर च मुल्खै दी पैहली सेंटरल बैंक डिजिटल मुद्रा पर आधारित सार्वजनिक बंड सरिस्ते दा उद्घाटन करडन। डिजिटल मुद्रा लेई गुजरात सरकार दी इस पैहल दा मकसद अन्नदाने दी बंड सप्लाई गी होर मता पारदर्शी ते पूरी चाल्ली त्रुटीरैहत बनाना ऐ।

<><><><><><>

FM-Germany

केंद्री खजाना मंत्री निर्मला सीतारमण होरें जर्मनी दे म्यूनखि च यूरोपी ते अंतरराष्ट्री मामलें दे मंत्री एरिक बेइसवेंगर हुंदे कन्नै मलाटी कीती जेहदे च दौनें मुल्खें बशकार गैहरे दपक्खी सांझ-भ्याली गी होर मजबूती देने बारै बक्ख-बक्ख पैहलुएं पर सोच विचार कीता गेआ। दौनें नेताएं बशकार हाल च दे भारत-यूरोपसंघ मुक्तबपार समझौते बारै बी गल्लबात होई। खजाना मंत्री होरें उनेंगी भारत दे कौशल विकास आहले धेइये ते बजट च एहदे लेई रखी गेदिएं विशेष बवस्थाएं दे बारे च बी जानकारी दिती।

<><><><><><>

EAM-Germany

विदेश मंत्री डॉ. एस जयशंकर होंरें म्यूनिख सुरक्षा सम्मेलन दे मौके पर जर्मनी दे विदेश मंत्री जोहान वाडेफुल हुंदे कन्नै दपक्खी बैठक कीती। डॉ. जयशंकर होंरें कल सोशल मीडिया दी इक पोस्ट च दस्सेआ जे बैठक दरान बक्ख-बक्ख खेतरें च सहयोग दी प्रगति दा आंकलन ते क्षेत्रीय संवेदनशील मुद्दें पर चर्चा कीती गेई। डॉ. जयशंकर होंरें चेक गणराज्य दे उप प्रधानमंत्री ते विदेश मंत्री हुंदे कन्नै बी आर्थिक ते रक्षा सहयोग गी मजबूत करने पर चर्चा कीती।

<><><><><><>

Railway-Reforms

रेलवे च हुन सामान्य श्रेणी यानि जनरल कोच दी सफाई बी फर्स्ट क्लास कोच आहला लेखा कीती जाहग। रेलवे मंत्री अश्विनी वैष्णव होंरें कल नमीं दिल्ली च दस्सेआ जे इस पैहल दे तैहत शुरूआत च 6 म्हीनें दे अंदर-अंदर लम्मी दूरी दी 80 रेल गड्डिएं दी पंछान कीती जाहग। उनें आखेआ जे इनें रेल गड्डिएं च इक सोयां डेढ घंटे दे वक्फे पर सफाई आस्तै बक्ख कर्मचारी रक्खे जाडन। श्री वैष्णव होंरें एह जानकारी बी दिती जे हुन रेल च कम्बल चादर वगैरा दी बंड पैकिंग ते सफाई दा कम्म इक गै एजेंसी करोग।

<><><><><><>

Bangladesh oath

बंगलादेश च नमे चनोए दे सांसदें ते मंत्रिमंडल दे सदस्यें गी मंगलवार 17 फरवरी गी संगंध चुकाई जाहग। हाल च गै करोआए गेदे आम चुनावं च बांगलादेश नेशनलिस्ट पार्टी-बीएनपी नै 299 चा 209 सीटें पर जित हासल कीती ऐ। बीएनपी नेताएं आखेआ ऐ कि शपथ ग्रहण समारोह लेई भारत, चीन ते पाकिस्तान सने कोई इक दर्जन गोआंडी मुखें दे राष्ट्र अध्यक्षें गी साद्दा दिता जाहग। बीएनपी दे महासचिव हुमायू कबीर नै दस्सेआ ऐ कि उंदी सरकार आपसी सम्मान ते हितें दे आधार पर भारत सने सभनें गोआंडी मुखें कन्नै निगगर सरबंध कायम करना चाहंदी ऐ।

<><><><><><>

Mahashivratri

महाशिवरात्रि दा ध्यार अज्ज पूरे मुखें च पारम्परिक श्रद्धाभाव ते आध्यात्मिक उत्साह कन्नै मनाया जा'रदा ऐ। भगवान शिव दे भक्तें लेई सभनें शा पवित्तर मन्ने जाने आहले इस ध्यार दे मौके कई लोक वर्त बी रखदे न। मंदरें च पूरा दिन ते पूरी रात विशेष पूजा-अर्चना कीती जंदी ऐ। मुखें दे सभनें मंदरें टकोहदा करियै शिव दोआलें च भक्तें दा भारी रश दिक्खने गी लब्बै करदा ऐ। कई तीर्थ स्थानें पर लोक विशेष अश्नान करियै बी शिवें दा शीरवाद हासल करदे न।

<><><><><><>

Safe Working Sector

महिला ते बाल विकास केंद्री मंत्री अन्नपूर्णा देवी होरें आखेआ ऐ जे सरकार दा लक्ष्य हर कम्म करने आहले खेतरें गी महिलाएं आस्तै सुरक्षित बनाना ऐ ते उनेंगी बरोबर कम्म करने दे मौके हासल करोआना ऐ। नमीं दिल्ली च कम्म करने आहली थाहें पर महिलाएं दी सुरक्षा पर आयोजित राश्ट्री सम्मेलन गी संबोधत करदे होई उनें आखेआ जे महिला ते बाल विकास पोर्टल नै महिलाएं आस्तै कम्म करने आहली थाहें पर अपनी शकैतें गी दर्ज कराना सखल्ला बनाई दिता ऐ।

<><><><><><>

8 Postal Stamps

मैहकमा डाक नै मुख्यै दी सग्गोसार ते बन सबन्नी कठपुतली परम्पराएं दा जशन मनाने लेई भारत दी कठपुतली विषे पर 8 यादगारी डाक टिकटें दा सैट्ट जारी कीता ऐ। विभाग दी सचिव वंदिता कौल होरें नमीं दिल्ली च सांस्कृतिक क्षेत्रें कन्नै जुड़े दे केई कलाकारें ते मिम्बरें दी मजूदगी च एह टिकट जारी कीते। इस मौके पर वंदिता कौल होरें आखेआ कि डाक टिकट राश्ट्र दी विरासत दे लौहके-लौहके पर असरदार राजदूत न। डाक टिकटें दे इस विशेष अंक च उनें अमर कहानीकारें गी सम्मानित कीता गेदा ऐ जिनें कई पीढ़ियें थमां भारत दी लोक कथाएं ते मुल्लें-कट्टें गी संरक्षित कीता ऐ।

<><><><><><>

ICC T-20

आई.सी.सी. टी-20 विश्व कप च कल त्रै मैच खेड्डे जाने हे। पैहला मैच कोलम्बो च ओमान ते आयरलैंड बश्कार खेडेया गया जिसी आयरलैंड नै 96 रन्ज कन्नै जिती लैता। पैहले बल्लेबाजी करदे होई आयरलैंड नै 20एं ओवरें च 5 विकटें दे नुक्सान पर 235 रन्ज बनाए। 236 रन्ज दे लक्ष दा पिच्छा करदे होई ओमान दी पूरी टीम 18 ओवर गै खेडडी सकी ते उन्नै छडे 139 गै रन्ज बनाए। दुआ मैच स्काटलैंड ते इंग्लैंड बश्कार खेडया गया- जिसी इंग्लैंड नै 5एं विकटें कन्नै जिती लैता। पैहले बल्लेबाजी करदे ही स्काटलैंड नै 152 रन्ज बनाए-ओहदी पूरी टीम 19 ओवर ते 4 गेदां गै खेडडी सकी। परते च इंग्लैंड नै 18 ओवर ते 2 गेंदें च 5 विकटें दे नुक्सान पर 155 रन्ज बनाइयै मैच अपने नां करी लैता। त्रीया मैच न्यूजीलैंड दे दक्खन अफ्रीका बश्कार खेडेआ गेआ जेडा दक्खन अफ्रीका नै 7 विकटें कन्नै जिती लैता। आई.सी.सी. टी-20 विश्व कप च अज्ज दा दिन बड़ा खास होने आहला ऐ कीजे अज्ज भारत ते पाकिस्तान बश्कार मैच खेडेया जाना ऐ। एह मैच कल शामी 7 बजे कोलम्बो च खेडेया जाहग।

<><><><><><>

Women Cricket

क्रिकेट च भारती महिला टीम अज्ज सिडनी च त्रै मैचें दी टी-20 अंतरराष्ट्री श्रृंखला दा पैहला मुकाबला आस्ट्रेलिया खलाफ खेडोग। मैच भारती समें मूजब

दपैहरी इक बज्जियै 45 मिंटे पर शुरू होग। भारती टीम दी कप्तानी हरमनप्रीत कौर करोग। मैच थमां पैहले कप्तान हरमनप्रीत नै आखेआ ऐ जे भारती टीम इस बरे यू.के च होने आहले आई.सी.सी विश्व कप थमां पैहले आस्ट्रेलिया गी हराने सने जित्त दे लक्ष्ये गी हासिल करने लेई बचनबद्द ऐ।

<><><><><><>